

Broj: 03-02-2116/2025
Sarajevo, 08.01.2026. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Dragan Mioković, predsjedavajući
- Dom naroda -
gosp. Tomislav Martinović, predsjedavajući

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa čl. 191. i 192. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07, 2/08, 26/20 i 13/24) i sa čl. 186. i 187. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), radi razmatranja i usvajanja po hitnom postupku, dostavljam Vam **PRIJEDLOG ZAKONA O IZMJENI ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA**, koji je utvrdila Vlada Federacije Bosne i Hercegovine na 273. hitnoj sjednici, održanoj 08.01.2026. godine.

Prijedlog zakona se dostavlja na službenim jezicima i pismima Federacije Bosne i Hercegovine u printanoj i elektronskoj formi (CD).

S poštovanjem,



Prilog:

- Prijedlog zakona na bosanskom jeziku,
- Zakon o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17, 79/20 i 22/25)
- Obrazac IFP-NE.

Co: URED PREMIJERA FEDERACIJE BOSNE I HERCEGOVINE

BOSNA I HERCEGOVINA
FEDERACIJA BOSNA I HERCEGOVINA
VLADA

PRIJEDLOG

ZAKON O IZMJENI ZAKONA O NAPLATI I DJELIMIČNOM OTPISU DUGOVANJA
SPORTSKIM KOLEKTIVIMA

Sarajevo, januar 2026. godine

PRIJEDLOG ZA DONOŠENJE ZAKONA PO HITNOM POSTUPKU

Vlada Federacije Bosne i Hercegovine predlaže Parlamentu Federacije Bosne i Hercegovine da Zakon o izmjeni zakona o naplati i djelimičnom otpisu dugovanja sportskim kolektivima donese po hitnom postupku.

OBRAZLOŽENJE PRIJEDLOGA ZA DONOŠENJE ZAKONA PO HITNOM POSTUPKU

Poslovníkom Predstavničkog doma („Službene novine Federacije BiH“, br. 69/07, 2/06, 26/20 i 13/24) i Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09, 24/20 i 60/24), propisano je da kada nije u pitanju složen i obiman zakon, posnositelj prijedloga zakona može umjesto nacрта podnijeti prijedlog zakona i predložiti da se prijedlog zakona donese po hitnom postupku.

U vezi sa navedenim, opravdanost za donošenje Zakona o izmjeni zakona o naplati i djelimičnom otpisu dugovanja sportskim kolektivima ogleda se u činjenici da su u izuzetno teškoj situaciji klubovi i savezi koji imaju kapaciteta da se takmiče na evropskim takmičenjima, a to je uslovljeno postupcima licenciranja, gdje je finansijski kriterij imperativno postavljen. Navedeni uslovi su definisani pravilima UEFA, FIFE, FIBE, kao i od ostalih međunarodnih asocijacija koje organizuju i daju licence za evropska natjecanja.

Zbog naprijed navedenog pokrenuta inicijativa od stane sportskih kolektiva da se omogući djelimični otpis poreznih dugova koji bi istovremeno vodio i naplati sredstava po osnovu dugovanja poreza sportskih kolektiva, za što smatramo da ima interes i država, jer u ovoj situaciji postoji status potpunog neplaćanja poreskih dugovanja zbog nemogućnosti izmirenja obaveza koje su izuzetno velike.

Zbog svega navedenog smatramo da je nužno da se izmjena Zakona uputi u hitnu proceduru, kako bi sportski kolektivi i klubovi mogli zaključiti sporazum o izmirenju duga i na taj način dobiti licencu za nastupe na evropskim i takmičenjima.

ZAKON
O IZMJENI ZAKONA O NAPLATI I DJELIMIČNOM OTPISU DUGOVANJA
SPORTSKIM KOLEKTIVIMA

Član 1.

U Zakonu o naplati i djelimičnom otpisu dugovanja sportskim kolektivima („Službene novine Federacije BiH“, br. 37/14, 12/17, 79/20 i 22/25) u članu 1. riječi „nastalog do 31.03.2025. godine“, zamjenjuje se riječima: „nastalog do 01.01.2026. godine.“

Član 2.

Ovaj Zakon stupa na snagu narednog dana od dana objavljivanja u „Službenim novinama Federacije BiH“.

OBRAZLOŽENJE

PRIJEDLOGA ZAKONA O IZMJENI ZAKONA O NAPLATI I DJELIMIČNOM OTPISU DUGOVANJA SPORTSKIM KOLEKTIVIMA

I – Ustavni osnov

Ustavni osnov za donošenje ovog zakona sadržan je u članu III.1 1. tačka c). koji je izmijenjen amandmanima VII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom, odgovoran je za donošenje zakona o vršenju dužnosti federalne vlasti.

II – Razlozi za donošenje

Na inicijativu Vlade Federacije Bosne i Hercegovine i Federalnog ministarstva kulture i sporta Parlament Federacije Bosne i Hercegovine donio je Zakon o naplati i djelimičnom otpisu dugovanja sportskim kolektivima 2014. godine („Službene novine Federacije BiH“, broj 37/14). Nakon toga u tri navrata došlo je do izmjena u članu 1. Zakona o naplati i djelimičnom otpisu dugovanja sportskim kolektivima, kojim se omogućilo produženje roka za podnošenje zahtjeva za reprogram duga („Službene novine Federacije BiH“, br. 37/14, 12/17, 79/20 i 22/25). Zahvaljujući navedenim izmjenama, sportskim kolektivima je omogućeno dobijanje potvrde od strane Porezne uprave Federacije BiH da je potpisan reprogram duga što je uslov za ispunjavanje uvjeta licenciranja.

Posebno je važno naglasiti da su u izuzetno teškoj situaciji klubovi i savezi koji imaju kapaciteta da se takmiče na evropskim takmičenjima, a to je uslovljeno postupcima licenciranja, gdje je finansijski kriterij imperativno postavljen. Navedeni uslovi su definisani pravilima UEFA, FIFE, FIBE, kao i od ostalih međunarodnih asocijacija koje organizuju i daju licence za evropska takmičenja.

Zbog naprijed navedenog, pokrenuta je inicijativa od strane sportskih kolektiva da se omogući djelimični otpis poreznih dugova koji bi istovremeno vodio i naplati sredstava po osnovu dugovanja poreza sportskih kolektiva, za što smatramo da ima interes i država, jer u ovoj situaciji postoji status potpunog neplaćanja poreskih dugovanja zbog nemogućnosti izmirenja obaveza koje su izuzetno velike.

Usvajanje izmjene ovog zakona omogućilo bi egzistenciju i nastavak rada sportskim kolektivima i klubovima, te dobijanje licenci, u cilju učešća na međunarodnim takmičenjima i predstavljanje Bosne i Hercegovine u međunarodnim asocijacijama.

Molimo da se ova izmjena Zakona uputi u hitnu proceduru, kako bi sportski kolektivi i klubovi mogli zaključiti sporazum o izmirenju duga i na taj način dobili licencu za nastupe na evropskim takmičenjima.

III – Finansijska sredstva

Za provođenje ovog zakona nije potrebno osigurati dodatna finansijska sredstva u Budžetu Federacije Bosne i Hercegovine.

ODREDBA ZAKONA KOJA SE MIJENJA

ČLAN 1

Ovim zakonom uređuju se uvjeti, način i postupak naplate dospjelog a nenaplaćenog poreznog duga nastalog do 31.12.2013. godine, otpis zateznih kamata i troškovi prinudne naplate sportskim kolektivima u Federaciji Bosne i Hercegovine.